

22.06.2020թ

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 430436/05

ՎԱՐՉԱԿԱՆ ԻՐԱՎԱՆԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով 22.06.2020թ թիվ 12263 վարչական իրավախախտման վերաբերյալ գործը,
ՊԱՐԶԵՑԻ

Համաձայն ՀՀ Հարկային օրենսգրքի 156-րդ հոդվածի 4-րդ կետի՝ ինքնուրույն հարկ վճարող Դավիթ Հակոբյանը (ՀՎՀՀ 26059452, հասցե՝ ք. Երևան Մ. Մելիքյան 14 6) սահմանված ժամկետում չի ներկայացրել 2019 թվականի եկամտային հարկի և սոցիալական վճարի տարեկան հաշվարկը, որի համար նախատեսվում է պատասխանատվություն վարչական իրավախախտումների վերաբերյալ ՀՀ օրենսգրքի 169 հոդվածի 2-րդ մասով:

Կողմը պատշաճ ծանուցված լինելով չի ներկայացրել: Գործում առկա է առարկություն կամ բացատրություն:

ՊԵԿ տեղեկատվական համակարգում առկա տվյալների ուսումնասիրության արդյունքում հայտնի է դարձել, որ Դավիթ Հակոբյանի կողմից 2019 թվականի եկամտային հարկի և սոցիալական վճարի տարեկան հաշվարկը ներկայացվել է 22.04.2020թ՝ երկու աշխատանքային օր ուշացումով և հաշվարկից առաջացած 53700 ՀՀ դրամ գումարը վճարվել է 09.06.2020թ:

Ելնելով վերոգրյալից և նկատի ունենալով, որ Դավիթ Հակոբյանը 2019 թվականի եկամտային հարկի և սոցիալական վճարի տարեկան հաշվարկը ներկայացրել է երկու աշխատանքային օր ուշացումով՝ 22.04.2020 թվականին, իրավախախտումը ունի նվազ նշանակություն, Դավիթ Հակոբյանը մեկ տարվա ընթացքում չի կատարել իրավախախտում, ուստի ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ, 244², 281 հոդվածներով և 282 հոդվածի 1-ին մասի 2-րդ կետով՝

ՈՐՈՇԵՑԻ

1. Դավիթ Հակոբյանին ազատել վարչական պատասխանատվությունից և հայտարարել բանավոր դիտողություն:

2. Դավիթ Հակոբյանի վերաբերյալ հարուցված թիվ 12263 վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ